



Broj: 02-11/5-2717 /22  
Velika Kladuša, 05.12.2022. godine

Na osnovu člana 27. Odluke o izvršenju budžeta Općine Velika Kladuša za 2022. godinu („Službeni glasnik Općine Velika Kladuša“ broj: 3/22) i člana 43. Statuta Općine Velika Kladuša („Službeni glasnik Općine Velika Kladuša“ broj: 12/11), Općinski načelnik donosi:

### ODLUKU

#### **o Programu utroška sredstava sa kriterijima raspodjele “Granta za sufinansiranje projekta mladih“ utvrđenih budžetom Općine Velika Kladuša za 2022. godinu**

##### Član 1.

Ovom Odlukom propisuju se uslovi koje moraju ispunjavati podnosioci prijedloga da bi ostvarili pravo na sufinansiranje projekata za 2022. godinu u okviru “Granta za sufinansiranje projekta mladih”.

Ovom Odlukom uređuju se postupci za njihovo ostvarivanje i potrebna dokumentacija.

##### Član 2.

Za sufinansiranje projekata mladih u 2022. godini na način kako je to regulisano ovom Odlukom, koristiće se sredstva u iznosu od 25.000,00 KM iz Budžeta Općine Velika Kladuša, pozicija „Grant za finansiranje projekata mladih“ ekonomski kod 614311-002, za finansiranje pojedinačnih projekata za mlade u maksimalnom iznosu od 2.000,00 KM.

##### Član 3.

Pravo učešća u apliciranju za raspodjelu sredstava predviđenih ekonomskim kodom 614311-002 „Grant za sufinansiranje projekata mladih“, u Budžetu Općine Velika Kladuša za 2022. godine:

1. Udruženja građana ili organizacije koje realizuju projekte za mlade na području Općine Velika Kladuša,
2. Fizička lica od navršениh 18 do 30 godina starosti.

##### Član 4.

Opći kriteriji za odabir su slijedeći:

- Udruženja i organizacije osnovane i registrirane u Bosni i Hercegovini,
- Fizička lica od navršениh 18 do 30 godina starosti sa prebivalištem na prostoru Općini Velika Kladuša u posljednjih 5 godina,
- Udruženja, organizacije i fizička lica koja svoje aktivnosti i djelovanja provode samo na području Općine Velika Kladuša,
- Udruženja, organizacije i fizička lica koja u sklopu projektne aplikacije ne obavljaju aktivnost u ime političke partije,

- Da projektni prijedlog obuhvata isključivo populacije mladih, odnosno da je projekat namijenjen isključivo mladim.

#### Član 5.

Vrsta finsncijske podrške:

- Da se projekt realizira u roku od 3 (tri) mjeseca od potpisivanja Ugovora,
- Da se Projekt odnosi na edukativne, stručne, socijalne, kulturne, ekološke, zapošljavanje mladih i sportske aktivnosti.

#### Član 7.

Za ostvarivanje prava na grant sredstva zainteresirani aplikanti podnose zahtjev Službi za upravu, društvene djelatnosti i zajedničke poslove uz koji prilažu slijedeću dokumentaciju:

- Popunjen prijavni obrazac,
- Rješenje o registraciji (ovjerena kopija) – za udruženja,
- Izvod iz Matične knjige rođenih – za fizička lica,
- CIPS prijava – za fizička lica,
- Transakcijski račun (kopija ugovora s bankom ili potvrda banke)- za udruženja i fizička lica,
- Projektna aplikacija – za udruženja i fizička lica.

#### Član 8.

Za raspodjelu sredstava definisanih ovom odlukom objavit će se Javni poziv na oglasnoj ploči i službenoj web stranici Općine Velika Kladuša.

#### Član 9.

Za rangiranje i odabir potencijalnih korisnika sredstava, Općinski načelnik će posebnim Rješenjem imenovati komisiju od 3 (tri) člana.

Zadatak komisije je da izvrši pregled pristiglih prijava, evidentira potencijalne korisnike koji ispunjavaju uslove iz ove Odluke, sačini listu korisnika i istu dostavi Općinskom načelniku. Konačnu Odluku o raspodjeli donosi Općinski načelnik na prijedlog Komisije, te zaključuje Ugovor sa aplikantima čiji su projekti odobreni.

#### Član 10.

Aplikanti kojima su dodjeljena sredstva su dužni dostaviti Izvještaj o realizaciji projekta i utrošku dodjeljenih sredstava najkasnije jedan mjesec po završetku projekta.

#### Član 11.

Ova Odluka stupa na snagu danom donošenja a objavit će se u „Službenom glasniku Općine Velika Kladuša“

Dostaviti:

- Kabinet Općinskog načelnika;
- Službi za upravu, društvene djelatnosti i zajedničke poslove;
- Službi za finansije, računovodstvo i javne nabavke;
- U spis i
- a/a.



**OPĆINSKI NAČELNIK**  
**Fikret Abdić, dipl.ing.**